



PRIJEDLOG

Na osnovu člana 18. Statuta Općine Maglaj („Službene novine Općine Maglaj“, broj: 8/07, 3/08 i 6/08.), Općinsko vijeće Maglaj na sjednici održanoj dana _____ .2017. godine, d o n o s i

ODLUKU **o pristupanju izradi dokumenta** **Strategija razvoja turizma i turističkih potencijala na općini Maglaj**

Član 1.

Općinsko vijeće Maglaj zadužuje Općinskog načelnika i Službu za privredu, finansije/finansije i razvoj poduzetništva, da imenuju Radnu grupu, koja će uz odgovarajuću pomoć stručnih i naučnih institucija u Bosni i Hercegovini, izraditi Strategiju razvoja turizma i turističkih potencijala na općini Maglaj za period 2017 – 2024. godina, uzimajući u obzir zaključke definisane inicijativom Općinskog vijeća Maglaj.

Član 2.

Rok za formiranje Radne grupe je _____ .2017. godina, a rok za izradu Prijedloga Strategije razvoja turizma i turističkih potencijala na općini Maglaj je _____ .2017. godina.

Član 3.

Ova Odluka stupa na snagu osam (8) dana od dana objavljivanja u Službenim novinama Općine Maglaj, od kada se i primjenjuje.

Broj:
Datum:

PREDSJEDAVAJUĆA OV
Svjetlana Zamboni

O b r a z l o ž e n j e

Zbog ukazane potrebe i podsticanja razvoja turizma na području općine Maglaj, Općinsko vijeće Maglaj je u svom dokumentu Program rada Općinskog vijeća za 2017. godinu, za mjesec august – septembar, definisalo tačku pod nazivom Prijedlog Odluke o pristupanju izradi Strategije razvoja turizma i turističkih potencijala na općini Maglaj za period 2017 – 2024. godina, sa zaduženjem Općinski načelnik i Služba za privredu, finansije i razvoj poduzetništva.

Na području općine Maglaj postoje značajni kulturno-historijski spomenici, prirodna bogatstva i privredni subjekti koji si usko vezani se sektorm turizma a koje je potrebno sistemski staviti u funkciju razvoja turizma (Stari grad – Tvđava, Delibegov Han, Uzeirbegov Konak, Spomenik austro-ugarskim vojnicima, kamene kugle, stećci, i dr.), prirodna bogatstva (planina Ozren, pećina Megara, Planinarski dom Ošve, izletišta Bistrica i Borik, rijeka Bosna sa ribolovnim turizmom, i dr.), turističko-ugostiteljski sadržaji (Hotel "Galeb" Maglaj, Motel „Bistrica“ Maglaj, Motel "Chicago" Maglaj, i čitav niz restorana „Kameni zamak“, „Riva“, „Mat-am“, „Edemus“ i dr.), vjerski objekti: džamije Kuršumlija, Nova gradska Vali Recep Yazicioglu džamija, Sukija i Fazli pašina džamija, Svetište Sveti Leopold Mandić, Pravoslavna crkva Sveti Ilija prorok. U organizaciji Općine održavaju se i tradicionalne kulturne i turističke manifestacije: „Studentsko ljetovanje“, večeri poezije „Mulabdićevi dani“, „Turistička i gastro ponuda Maglaj“ i „Promocija proizvođača organske hrane“.

Zbog ne postojanja sistemskog pristupa razvoju pomenutih turističkih potencijala i međusobne slabe uvezanosti kroz uključivanje svih aktera na polju razvoja turizma, izostaje ostvarenje dodatne vrednosti (sinergijski efekat), a što ne omogućava u konačnici ubrzaniji i snažniji rast ekonomije u sektoru turizma.

Iz tih razloga predložena je navedena tačka sa ciljem da se donese kvalitetan dokument koji će definisati strateške pravce razvoja turizma i turističkih potencijala na području općine Maglaj.